



## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

Paraphrasis in Epistolam B. Pauli ad Rom. VI.

[urn:nbn:de:hbz:466:1-47044](https://nbn-resolving.de/urn:nbn:de:hbz:466:1-47044)

vestri, pro directione, pro custodia à peccato, & pro liberatione à periculo invocate. In hoc mundo quoque non astiri, ac dolosi, sed puri, simplices, ac innocentes vivere satagite, præstante Domino nostro Iesu Christo, qui est benedictus in secula, Amen.

## DOMINICA VI. POST DOMINICAM S. TRINITATIS, Epistola B. Pauli Apostoli ad Rom. VI.

**V**icunque baptizati sumus in Christo Iesu, in morte ipsius baptizati sumus. Concepulti enim sumus cum illo per baptismum in mortem, ut quomodo surrexit Christus à mortuis per gloriam Patris, ita & nos in nouitate vite ambulemus. Si enim complantati facti sumus similitudini mortis eius, simul & resurrectionis erimus. Hoc scientes, quia vetus homo noster simul crucifixus est, ut destruatur corpus peccati, ut ultra non seruamus peccato. Qui enim mortuus est, iustificatus est a peccato. Si autem mortui sumus cum Christo, credimus, quia simul etiam vivemus cum illo. Scientes, quia Christus resurgens a mortuis, iam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo. Ita & vos existimate vos mortuos quidem esse peccato, viventes autem Deo, in Christo Iesu Dominino nostro.

## PARAPHRASIS IN EANDEM EPISTOLAM.

**H**ortatur Apostolus nos Paulus ne post baptismum à peccatis abluti, atque in nouitatem vitæ regenerati, pristinis viciis ac peccatis iterum inuoluamur, dicens: Quicunque baptizati sumus in nomine Iesu, in morte Christi baptizati sumus. Ibi enim peccatis nostris parata medicina, quanaremur, applicata est. Ibi peccatorum nostrorum, puta ex virtute mortis Christi, receperimus expiationem. Quemadmodum igitur Christus <sup>1. Pet. 1. 2.</sup> pro nobis mortuus est, & nihilominus tamen vivit, ita nos quoque mortui esse debemus peccato, vivere autem Christo. Haudquaquam autem mortui essemus peccato, adhuc in illo perseuerantes. Concepulti denique sumus cum Christo per baptismum in mortem, dum quemadmodum mortuus ipse tribus diebus in sepulchro iacuit, ita nos tribus vicibus baptismo immergimur, ut ibi sepellantur tanquam in sepulchro peccata nostra, lateantque in mortem. Vnde quomodo Christus surrexit à morte per gloriam Patris, ita & nos spiritu resurgentem, deinceps in nouitate vite, non in operibus mortuis ambulemus. Quomodo enim Christus primum mortuus est & sepultus, deinde resurrexit, ita nobis quoque primum in morte Christi, quia auferri peccata mundi, necesse fuit peccatis mori & cessare à delictis, cum Christo resurrectis in nouitatem vitæ, qua deinceps non dormiamus iterum in morte peccatorum nostrorum, sed viuamus Christo in nouitate vitæ ambulantes, & de bono ad meliora semper proficiemus. Præ-

RRR. 4. tera,

terea, quomodo Christus ad vitam resurrexit immortalem, ita ad vitam nos gratiae resurgamus peccato posthac nunquam intermoritram. Si enim, hoc est, quia enim de rito veteri vitorum tanquam de terra mala arbores eulfæ in Christi morte sumus complantati in terram bonam, id est, in vitam gratiae, ut fructum qui maneat, adferamus: & hoc ad Christi mortis similitudinem, qui dum arbor est vite, propter nos tamen corpore mortuus est, & in sepulchro quasi hyemis tempore sub terra radix plana latuit, in resurrectione vero tanquam tempore veris resroruit: ita nos quoque non in terra, sed in aquis baptismi, ubi virtus mortis Christi est nobis applicata, mortui sumus non corpore, sed peccato, resurrecti in ipso ad nouitatem vitæ: ut quomodo in Christo sumus complantati ad similitudinem mortis eius, ita ex succo quoque gratiae eius, ex radice huius vitali ligni resurgentem vivamus per ipsum. Hoc scientes, quia vetus homo noster, id est, vita prior quam in peccatis duximus, crucifixus est, dum in fide Christi crucifixi à peccatis resipiscimus, receperitque peccatum finem ac instrumentum sui. Ad modum enim Christi crucifixi, vetus hic homo noster, homo peccati, figuratur in cruce penitentia, continentia, salutaris cum Christo, ubi membra sua ad priores actus iniquitatis non licet illi deinceps mouere, aut retrahere, quo sic destruatur vicia conuersatio nostra, seu corpus peccati, quod aliud quam peccare non nouerat, ut ultra non feruamus peccato. Qui enim mortuus est cum Christo, eo modo & intellectu, supra dictum est, iustificatus atque liber factus est à peccato, ut illi peccatum non noceat, nec illum impedit etiam. Si autem cum Christo mortui sumus peccato, ut ultra in nobis peccatum non vivat, credimus nunc simul etiam vita gratiae, & posthac gloriae vivemus cum ipso. Scimus autem quod Christus resurgens ex mortuis, iam non moritur, nec iterum eius à corpore anima separanda est. Neque enim est eius resurrectione ut Lazarus, aliorumve, qui ad vitam mortalem sunt resuscitati, quia mors Christi ultra non dominabitur, propterea quod immorialis resurrexit. Atque ideo quod mortuus est peccato, non luo, quia non habuit peccatum, sed nostro (possumus enim in eo Pater iniquitates omnium. Et ipse vulneratus est proper iniquitates nostras) mortuus est semel, puta in die Parasceue. Quod vero post resurrectionem vivit secundum humanam naturam, vivit Deo, id est, ad gloriam & honorem beatissimæ Trinitatis, quæ illum suscepit ex mortuis. Ita & vos existimate vos mortuos quidem peccato in baptismō, viventes autem Deo in obedientia voluntatis eius per gratiam ipsius, quæ nobis data est, in Christo Iesu Domino nostro.

*EXEGESIS EVANGELII DOMINICÆ VI.  
post Dominicam Sanctam Trinitatis, Matthei V.*

Matth. 5.

**S**AEPENUMERO Christus dixit verbo, opereq[ue] ostendit, quod non reverit legem solvere, sed implere: & nunc quoque in his praesentis Evangelij verbis clarissime ostendit, quam perfecta sic sui Evangelij iustitia supra legem, quandoquidem, ut dicit Apostolis suis, nisi maior fuerit illorum omnium quæ qui per illos credituris sunt, perfectio, quam scribarum ac phariseorum.